



**An Roinn Tithíochta,
Pleanála agus Rialtais Áitiúil**
Department of Housing,
Planning and Local Government

Comhairliúchán Poiblí ar thograí chun an próiseas do Chlárúchán Toghthóirí a nuachóiriú

(Ráiteas Príobháideachais)

Is é an Roinn Tithíochta, Pleanála agus Rialtais Áitiúil an Roinn Rialtais atá freagrach as tithíocht agus uisce, pleanáil fhisiceach agus spásúlachta, rialtas áitiúil agus réamhaisnéisiú na haimsire.

Tá an Roinn tiomanta do phríobháideachas a chosaint agus a urramú. Míníonn an ráiteas príobháideachais seo an chaoi a bpróiseálfaidh an Roinn, mar Aonad Rialaithe Sonraí, na sonraí pearsanta a chuirtear ar fáil maidir le haighneachtaí déanta mar chuid den chomhairliúchán poiblí ar Nuachóiriú an Phróisis Clárúcháin Toghthóirí; an chaoi a mbainfear úsáid as an bhfaisnéis sin, agus na cearta atá agat, maidir le do chuid sonraí pearsanta.

An fáth a bhfuil do chuid sonraí á bpróiseáil againn

Úsáidfídh an Roinn d'aighneacht chun bonn eolais a chur faoi fhorbairt togra feidhmithe don nuachóiriú ar phróiseas chlárúcháin toghthóirí.

Bailíonn an Roinn do shonraí i bhfoirm aon sonraí teagmhála a fhaighimid uait d'fhonn soiléireacht ar na haighneachtaí a fuarthas mar chuid den chomhairliúchán poiblí seo a chinntiú. Maidir leis sin, féadfaidh an Roinn teagmháil a dhéanamh leat le ceisteanna leantacha maidir le d'aighneacht. Féadfar aighneachtaí a fuarthas le linn an phróisis chomhairliúcháin poiblí a fhoilsiú ar láithreán gréasáin na Roinne, www.tithiocht.gov.ie. Is féidir aighneachtaí a eisiúint freisin faoin Acht um Shaoráil Faisnéise, 2014. Déanfar sonraí pearsanta, mar shampla sonraí teagmhála, a leasú roimh fhoilsiú. Cuirfidh an Roinn d'ainm, nó ainm na heagraíochta ar a dhéanann tú ionadaíocht, san áireamh in aon aighneacht foilsithe. Más mian leat nach mbeadh d'ainm le feiceáil ar láithreán gréasáin na Roinne, cuir an méid sin in iúl i d'aighneacht. Beidh gach aighneacht a fhaightear faoi réir fhorálacha an Achta um Shaoráil Faisnéise agus reachtaíocht um Chosaint Sonraí.

Ní phróiseálfaidh an Roinn do chuid sonraí pearsanta chun aon chríche seachas an chríoch dar bailíodh iad.

Próifíliú

Ní úsáidfidh an Roinn aon sonraí pearsanta a bhailítear uait maidir leis an gcomhairliúchán poiblí ar nuachóiriú an phróisis clárúcháin toghthóirí ar mhaithe le cinnteoireacht uathoibríthe nó próifíliú.

Dlíthiúlacht na próiseála

Tá an phróiseáil seo de do shonraí pearsanta dlíthiúil faoi Airteagal 6 (1) (e) den Rialachán GDPR lena bhforáiltear *go bhfuil gá le próiseáil chun tasc a dhéantar ar mhaithe le leas an phobail nó i bhfeidhmiú údarás oifigiúil atá dílsithe sa rialaitheoir a chomhlíonadh*, sa chás seo, an Roinn Tithíochta, Pleanála agus Rialtais Áitiúil ina cháil mar chomhlacht atá freagrach as beartas agus reachtaíocht toghcháin.

Slándáil do shonraí pearsanta

Cuireann an Roinn bearta teicniúla agus eagrúcháin cuí i bhfeidhm chun do chuid faisnéise a chosaint ó rochtain neamhúdaraíthe. Mar sin féin, in ainneoin na n-iarrachtaí sin, níl aon bhearta slándála foirfe nó dothreáite ann, agus ní féidir aon mhodh tarchurtha sonraí a ráthú i gcoinne aon idirghabhála nó cineál eile mí-úsáide. Sa chás go gcuirtear do shonraí pearsanta i mbaol mar gheall ar shárú slándála, cuirfear beartas agus nósanna imeachta Bainistíochta Sárú na Roinne i ngníomh.

Faighteoirí na sonraí

D'fhéadfaí sonraí pearsanta a mhalartú le Ranna Rialtais, údaráis áitiúla agus gníomhaireachtaí eile faoi choimirce na Roinne, nó le comhlachtaí poiblí eile, i gcúinsí áirithe ina bhforáiltear dó sin de réir an dlí. Féadfar ábhar nó bunús aighneachtaí a roinnt, ach ní roinnfear sonraí pearsanta amhail faisnéis teagmhála le comhlacht ar bith eile ar mhaithe leis an gcomhairliúchán seo. Sa chás go ndéanann eagraíocht aighneacht, féadfar ainm na heagraíochta a roinnt.

Aistrithe Sonraí Trasteorann

Ní aistroidh an Roinn aon sonraí pearsanta a bhailítear uait maidir leis an gcomhairliúchán poiblí ar nuachóiriú an phróisis clárúcháin toghthóirí go dtí aon tír nó eagraíocht idirnáisiúnta lasmuigh den AE/LEE.

Cén fhad a choinneimid do chuid sonraí?

Ní choinneoidh an Roinn do shonraí pearsanta ach chomh fada agus is gá chun na gcríoch dar bailíodh agus a dar próiseáladh iad. Táthar ag súil go dtógfaidh an tionscadal nuachóirithe 2-3 bliana le cur i gcrích agus ar feadh na tréimhse sin, coinneofar na taifid ar fad, lena n-áirítear an suíomh gréasáin ar a bhfoilseofar aighneachtaí don chomhairliúchán poiblí seo. Ina dhiaidh sin beidh an tréimhse coinneála sonraí do do chuid sonraí de réir ceanglas reachtach agus riachtanais aonaid gnó a bhaineann leis an tionscadal seo agus de réir an Achta um Chartlann Náisiúnta 1986 (arna leasú).

Do chearta

Tá **Beartas Cosanta Sonraí**, na Roinne, ina leagtar amach conas a úsáidfimid do chuid sonraí pearsanta, chomh maith le faisnéis a sholáthar i leith do chearta mar ábhar sonraí (lena n-áirítear mionsonraí maidir le ceart rochtana, ceart go ndéanfaí ceartúcháin, ceart go ndéanfaí léirsciosadh, ceart go gcuirfí srian le próiseáil, ceart chun agóid a dhéanamh), ar fáil ar ár láithreán gréasáin. Is féidir cóip chrua den bheartas a fháil freisin ach í a iarraidh.

Má mheasann tú gur sáraíodh do chearta, tá sé de cheart agat gearán a dhéanamh le Coimisinéir Cosanta Sonraí na hÉireann (www.dataprotection.ie), agus tá sé de cheart agat leigheas breithiúnach a lorg.

Teagmháil a dhéanamh linn

Má theastaíonn tuilleadh eolais uait, nó más mian leat rochtain a fháil ar do chuid sonraí pearsanta, téigh i dteagmháil le h**Oifigeach Cosanta Sonraí** na Roinne, sonraí thíos:

Oifigeach Cosanta Sonraí,

An Roinn Tithíochta, Pleanála agus Rialtais Áitiúil,

Bóthar an Bhaile Nua,

Loch Garman

Ríomhphost: data.protection@housing.gov.ie

Teileafón: 053 9117450